



Acta da Xunta de Goberno correspondente á ordinaria do 16 de marzo de 2018

No Pazo da Deputación Provincial de Ourense, o dezaseis de marzo do ano dous mil dezaioito, ás nove horas e cinco minutos, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular don José Manuel Baltar Blanco, presidente da mencionada Deputación -que como tal é da Xunta-, cos deputados/as, don Jorge Pumar Tesouro, dona Montserrat Lama Nóvoa, don Pablo Pérez Pérez, don Manuel Doval Soto, dona Ana M.ª Villarino Pardo e don Juan Anta Rodríguez, os que constitúen a maioría absoluta da devandita xunta, co fin de que teña lugar sesión ordinaria en primeira convocatoria e tratar nela os asuntos que figuraban na orde do día.

Asiste o interventor accidental, don José Mosquera Casero, xefe do Servizo de Intervención, e dá fe do acto, o secretario xeral, don Francisco Cacharro Gosende.

Non asiste o deputado provincial don Plácido Álvarez Dobaño, que escusa a súa ausencia.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 5 DE MARZO DE 2018.-

Unha vez examinada a acta da sesión ordinaria que tivo lugar o día cinco de marzo de dous mil dezaioito, a Xunta de Goberno da Deputación acordou, por unanimidade, a súa aprobación, sen observacións.

2.- INCORPORACIÓN Ó PLAN PROVINCIAL DE COOPERACIÓN ÁS OBRAS E SERVIZOS MUNICIPAIS E DA REDE VIARIA PROVINCIAL DO EXERCICIO 2018 DAS OBRAS N.º 230/POS/2018, "EDAR PARA O TRATAMENTO DE AUGAS RESIDUAIS NA ZONA DO CORGO" E N.º 231/POS/2018, "SENDEIRO Á ILHA DE PAZOS", NO TERMO MUNICIPAL DE MUÍÑOS.-

Á vista da solicitude formulada polo Concello de Muíños, tendo en conta o informe favorable do xefe do Servizo de Investimentos, Contratación e Patrimonio, e de conformidade coa proposta formulada, a Xunta de Goberno adopta o seguinte acordo:

- Incorporar ó Plan provincial de cooperación ás obras e servizos municipais e da rede viaria provincial do exercicio 2018, para os efectos de obter a declaración de utilidade pública, das obras denominadas "EDAR para o tratamento de augas residuais na zona de O Corgo" e "Sendeiro á illa de Pazos" -termo municipal de Muíños-, cos números 230/POS/2018 e 231/POS/2018 e uns orzamentos de 161.903,33 € e 60.872,83 €,



Serie A N.º 2790318

Acta da Xunta de Goberno correspondente á ordinaria do 16 de marzo de 2018

respectivamente, financiados ó 75% polo programa INTERREG V A ESPAÑA-PORTUGAL 2014-2020 (POCTEP) a través do Fondo Europeo de Desenvolvemento Rexional (FEDER) da Unión Europea, con cargo ó proxecto "Raia Termal"

3.- AUTORIZACIÓN DE VENDA DUNHA ROZADORA, SOLICITADA POLO CONCELLO DE RAMIRÁS. Mediante acordo da Xunta de Goberno desta Deputación de data 17 de abril de 2015, foille concedida una subvención nominativa ao Concello de Ramirás por importe de 20.000,00 €, para a adquisición dunha rozadora.

Mediante escrito de data 12 de febreiro de 2018 (NRE 5014), este concello solicita autorización a esta Deputación Provincial para poder realizar o alleamento do tractor adquirido con cargo á subvención arriba indicada, por ter adquirido un novo tractor e rozadoras para realizar tarefas de limpeza.

O artigo 31.4 a) da Lei xeral de subvencións, establece que as bases reguladoras fixarán o período durante o cal o beneficiario deberá destinar os bens ao fin concreto para o que se concedeu a subvención, que non poderá ser inferior a cinco anos no caso de bens inscribibles nun rexistro público, nin a dous anos para o resto de bens.

Así mesmo, no artigo 31.5 do texto legal referido, indicase que non se considerará incumplida a obriga de destino, cando, tratándose de bens non inscribibles, fosen substituídos por outros que sirvan en condicións análogas ao fin para o que se concedeu a subvención, sempre que a substitución fose autorizada pola Administración concedente.

No actual suposto, estamos ante a adquisición dun vehículo (tractor), o cal, para os efectos do previsto nos artigos 31.4 e 31.5 da Lei xeral de subvencións, consideramos como ben non inscribible nun rexistro público, xa que os rexistros administrativos aos que tería acceso non permiten realizar a anotación ali prevista.

No acordo de concesión da subvención de referencia non se indicaba o período durante o que o beneficiario estaba obrigado a destinar a rozadora ao fin concreto para o que se concedeu a subvención, polo que se entende que debe ser durante dous anos, que é o período mínimo establecido legalmente e que polo tanto, xa tería rematado.

Baseándose no anteriormente exposto, e de conformidade coa proposta formulada, a **Xunta de Goberno adopta o seguinte acordo:**

Autorizar, ao Concello de Ramirás, ao alleamento do tractor adquirido coa subvención concedida mediante acordo da Xunta de Goberno do 17 de abril de 2015.



Serie A N.º 2790318

Acta da Xunta de Goberno correspondente á ordinaria do 16 de marzo de 2018

4.- RESOLUCIÓN DO CONCURSO PÚBLICO PARA A CONCESIÓN DE SUBVENCIONS ÓS CONSELLOS REGULADORES DAS DENOMINACIONS DE ORIGE VITIVINICOLAS PARA ACCIÓN DE PROMOCIÓN E XESTIÓN DURANTE O ANO 2018.

Unha vez visto o informe-proposta da xefa da Sección de Subvencións de resolución do concurso público para a concesión de subvencións aos consellos reguladores das denominacións de orixe vitivinícolas para acción de promoción e xestión durante o ano 2018, e de conformidade coa proposta formulada, a Xunta de Goberno adopta o seguinte acordo:

1ª) Concederlles ás seguintes entidades as subvencións polos importes que de seguido se indican:

CONSELLO REGULADOR DA DENOMINACIÓN DE ORIGE MONTERREI	50.000,00 €
CONSELLO REGULADOR DA DENOMINACIÓN DE ORIGE VALDEORRAS	50.000,00 €
CONSELLO REGULADOR DA DENOMINACIÓN DE ORIGE RIBEIRO	50.000,00 €
CONSELLO REGULADOR DA DENOMINACIÓN DE ORIGE RIBEIRA SACRA	50.000,00 €
TOTAL	200.000,00 €

2ª) A xustificación da subvención concedida deberá realizarse ante a Deputación antes do 31 de outubro de 2018, mediante a presentación dunha conta xustificativa, integrada polos documentos establecidos na base décimo primeira das que rexen a convocatoria de referencia.

3ª) Dispor a publicación deste acordo no Boletín Oficial da Provincia.

5.- APROBACIÓN DE SUBVENCIÓN Á AGRUPACIÓN CORAL DE RUADA. - No Pleno, con data 29 de setembro de 2017, acordouse consignar no orzamento xeral para o ano 2018, e con cargo á aplicación 48911-33420, unha subvención nominativa, por importe de 6.000,00 euros, a favor da Agrupación Coral de Ruada, para gastos de funcionamento da entidade correspondentes ao ano 2018.

Unha vez vista a solicitude formulada pola presidencia da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a Xunta de Goberno **acorda** aprobar unha subvención á Agrupación Coral de Ruada, nos seguintes termos:

-Importe: 6.000,00 €.

-Obxecto: gastos de funcionamento da entidade correspondentes ao ano 2018.



APL NUMERADO
CORPORACIÓN
LOCAIS



(Sede do Presidente)

Folleto N.º 4

Serie A N.º 2790318

Acta da Xunta de Goberno correspondente á ordinaria do 16 de marzo de 2018

-Xustificación: a subvención xustificárase mediante a presentación da conta xustificativa simplificada polo importe concedido, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

Poderán realizarse pagamentos a conta, tras a solicitude previa do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por conta equivalente á xustificación presentada. Para a realización dos pagamentos a conta, deberán presentarse as facturas e xustificantes correspondentes. En todo caso, a realización destes pagamentos non implica unha declaración definitiva como xustificada do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

De acordo co establecido no artigo 16 da Ordenanza xeral de subvencións, as subvencións, como regra xeral, seránlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da



APEL NUMERADO
CORPORACIÓN
LOCAIS



Acta da Xunta de Goberno correspondente á ordinaria do 16 de marzo de 2018

Ordenanza xeral de subvencións e coas excepcións correspondentes, por importe do 100% do anticipo solicitado.

-Prazo xustificación: ata o 30 de novembro de 2018

6.- ASUNTOS DE URXENCIA.- Trala unánime declaración da urxencia do asunto, por non figurar incluído na orde do día, a Xunta de Goberno adoptou o seguinte acordo.

6.a) EXPROPIACIÓN FORZOSA PARA EXECUCIÓN DA OBRA "ACONDICIONAMENTO E MELLORA NA OU-0861 (PUNTOS QUILOMÉTRICOS 0+900+3+000), N.º 107/POS/2017, NO TERMO MUNICIPAL DO BOLO.-

Unha vez visto o ditame favorable da Comisión Informativa de Cooperación, Infraestruturas e Medio Rural, e trala unánime declaración da urxencia do asunto por non figurar incluído na orde do día, a Xunta de Goberno, por unanimidade, **adopta o seguinte acordo:**

1. Aprobado o proxecto técnico da obra de acondicionamento e mellora na OU-0861 (puntos quilométricos 0+900+3+000), n.º 107/POS/2017, no municipio do Bolo, así como o anexo de expropiacións, no que se inclúe o plano parcelario e a relación de bens afectados.
2. Ter por declarada a utilidade pública das obras mencionadas, de conformidade co disposto no artigo 22.5 da *Lei 8/2013, do 28 de xuño, de estradas de Galicia*.
3. Acordar definitivamente a necesidade de ocupación, con carácter urgente, dos terreos incluídos na relación de bens e dereitos afectados pola expropiación, de conformidade co previsto no citado artigo da *Lei de estradas de Galicia*.

Predio	Polig.	Parcela	Refer. Catastral	Propietario	Calificación	Domínio M ²
1	46	268	32016A04600268	- FLORINDO RIVERA	VINA SECAÑO	190.26
2	46	267	32016A04600267	- DOSINDA PRIETO SALGADO	LABRADIO SECAÑO	79.21
3	46	265	32016A04600265	- ADOLFO VEGA PORTO	VINA SECAÑO	330.23
4	49	4	32016A04900004	- RAFAEL PEREZ PRIMO	VINA SECAÑO	75.16
5	46	264	32016A04600264	- JOSE FERNANDEZ ALVAREZ	PRADO	30.57
6	49	1	32016A04900001	- JOSE FERNANDEZ ALVAREZ	MATAGUEIRA	107.12
7	46	391	32016A04600391	- FLORINDO RIVERA	MONTE BAIXO	505.97
8	51	175	32016A05100175	- AURORA ABELAIRA DIAZ	MATAGUEIRA	4.02
9	51	173	32016A05100173	- OLIMPIO RIVERA RIVERA	MONTE BAIXO	127.73

4. Publicar e notificarlles este acordo aos interesados, de conformidade coa lexislación vixente.



(Sede do Presidente)

Folle N.º _____

Serie A N.º 2790318

Acta da Xunta de Goberno correspondente á ordinaria do 16 de marzo de 2018

7.- COMUNICACIÓNS DA PRESIDENCIA.- Non se presentaron.

8.- ROGOS E PREGUNTAS.- Non se formularon.

E, ás nove horas e quince minutos, do referenciado día dezaseis de marzo do ano dous mil dezaioito, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O SECRETARIO,